

Na osnovu provedenog postupka u skladu sa Zakonom o javnim nabavkama Bosne i Hercegovine, ("Službeni Glasnik BiH", broj 39/14), a na osnovu provedenog konkurentskog zahtjeva za dostavu ponuda, broj: 05.12.100-2875-1/19 od 16.04.2019.godine, te Odluka o izboru najpovoljnijeg ponuđača Direktorica J.U. Zavod za javno zdravstvo Kantona Sarajevo, broj: 05.12.100-2875-Odluka o izboru-LOT 7/19 od 09.05.2019.godine, kojom je prihvaćena Ponuda ponuđača **CONTROLMATIK BH D.O.O. SARAJEVO**, kao najpovoljnija i kojom se ponuđaču **CONTROLMATIK BH D.O.O. SARAJEVO** dodjeljuje Ugovor za nabavku usluge **VALIDACIJA SPEKTROFOTOMETRA I INSTRUMENATA ZA ODREĐIVANJE REZIDUALNOG HLORA I HLOR DIOKSIDA – LOT 7**, za potrebe J.U. Zavod za javno zdravstvo Kantona Sarajevo, zaključuje se slijedeći:

UGOVOR
O SUKCESIVNOJ JAVNOJ NABAVCI USLUGE ZA
LOT 7 – VALIDACIJA SPEKTROFOTOMETRA I INSTRUMENATA ZA
ODREĐIVANJE REZIDUALNOG HLORA I HLOR DIOKSIDA

I UGOVORNE STRANE

1. J.U. ZAVOD ZA JAVNO ZDRAVSTVO KANTONA SARAJEVO, ulica Dr.Mustafe Pintola broj 1/III Ilidža - Sarajevo, identifikacioni broj:4200329950003, koga zastupa Direktorica, prof.dr.med.sci. Aida Pilav (u daljem tekstu: **Naručilac**)

i

2. PONUĐAČ „Controlmatik BH” D.O.O. SARAJEVO, ulica Terzibašina br.16, identifikacioni broj: 4201103840007, koju zastupa direktorica: dr. Anesa Talić (u daljem tekstu: **Izvršilac usluga**)

U daljnjem tekstu Ugovora, kada se **Naručilac** i **Izvršilac usluga** navode zajednički, tj. zbirno, tada su označeni kao „**Ugovorne strane**“.

II PREDMET UGOVORA

Član 1.

Ovim Ugovorom regulišu se način i uslovi za sukcesivnu **Nabavku usluga VALIDACIJA SPEKTROFOTOMETRA I INSTRUMENATA ZA ODREĐIVANJE REZIDUALNOG HLORA I HLOR DIOKSIDA — LOT 7**, u skladu sa zahtjevima iz **Tenderske dokumentacije broj: 05.12.100-2875-1/19**.

Tenderska dokumentacija **Naručioca**, broj: 05.12.100-2875-1/19 i ponuda **Izvršioca usluga** broj: 0605001-19 od 06.05.2019.godine, čine sastavni dio ovog Ugovora.

III CIJENA I NAČIN PLAĆANJA

Član 2.

Ugovoreni iznos za usluge iz člana 3. ovog Okvirnog sporazuma iznosi 3.474,15 KM bez PDV-a, odnosno 4064,76 KM sa PDV-om.

Plaćanje će se vršiti na transakcijski račun naveden u fakturi.

Član 3.

Izvršilac se obavezuje da će usluge iz člana 1. izvršiti u roku od 7 (sedam) dana od dana preuzimanja opreme.

IV OBAVEZE IZVRŠIOCA USLUGA

Član 4.

- Dostavljanje odgovarajućeg-jednoznačnog certifikata o ispitivanju mjerne opreme koji se odnosi na ispitivani instrument, u roku od 7 dana od dana završetka ispitivanja mjerne opreme.
- Izvršiti označavanje instrumenta sa statusom validacije;
- Pružiti brzu, stručnu i profesionalnu uslugu;
- Kvalitetan rad i primjena najboljih raspoloživih znanja i vještina;
- Imenovati lica zadužena za realizaciju Ugovora;
- Osigurati osobama ovlaštenim od strane Naručioca mogućnost komuniciranja s tehničkom službom Izvršioca usluga putem telefona, telefaksa i elektronske pošte;
- Obezbjediti pravovremeno izvršenje usluga najkasnije u rokovima utvrđenim članom 3. ovog Ugovora, pružiti povratni odgovor tehničke službe unutar radnog vremena;
- Osigurati da se preuzeta oprema ne ošteti prilikom transporta i vršenja usluga;
- Izvršiti naknadu štete u slučaju da se preuzeta oprema ošteti.

VI OBAVEZE NARUČIOCA

Član 5.

Naručilac se obavezuje:

- Osigurati neometan pristup opremi iz člana 1. ovog Ugovora.
- Imenovati lice ili lica zadužena za realizaciju Ugovora
- Osigurati da sa mjernom opremom rukuju isključivo obučena i ovlaštena lica

VII OSIGURANJE KVALITETE

Član 6.

Ugovorene usluge će se vršiti na način da se precizira odgovornost za cijeli posao i svaku fazu rada, te osigura priprema, planiranje svake faze, obavljanje i preispitivanje kvaliteta obavljenog posla, te po potrebi uvođenje korektivnih mjera.

Član 7.

Naručilac se obavezuje da će plaćanje za usluge iz člana 1.ovog Ugovora izvršiti u roku od 30 dana od dana preuzimanja izvještaja na žiro račun broj 1610000053950053 otvoren kod RAIFFESIEN BANKE.

VIII UGOVORNA KAZNA I RASKID UGOVORA

Član 8.

Ukoliko Izvršilac usluga ne izvrši svoje obaveze u ugovorenom roku, dužan je da Naručiocu za svaki dan zakašnjenja plati ugovornu kaznu u iznosu od 0,1% od ukupne vrijednosti Ugovora bez PDV-a.

Ukupna vrijednost ugovorne kazne koja se plaća ne može iznositi više od 10% od ukupne vrijednosti Ugovora.

IX PRELAZNE I ZAVRŠNE ODREDBE

Član 9.

Ovaj Ugovor stupa na snagu danom njegovog potpisivanja od strane ovlaštenih predstavnika Naručioca i Izvršioca, i isti će se primjenjivati do izvršenja svih pojedinačnih obaveza predviđenih ovim Ugovorom.

Član 10.

Ugovorne strane su suglasne da se za sve što nije regulirano ovim Ugovorom primjenjuje Zakon o obligacionim odnosima.

Član 11.

Eventualne sporove ugovorne strane će rješavati prvenstveno sporazumno u duhu dobrih poslovnih odnosa.

U slučaju da se ne postigne sporazumno rješenje eventuanog spora za rješenje spora nadležan je sud u Sarajevu.

Član 12.

Ugovorne strane mogu otkazati ovaj Ugovor u pisanom obliku. Otkazni rok iznosi 15 (petnaest) dana, ukoliko ugovorne strane sporazumno ne utvrde drugačije.

Član 13.

U slučaju otkaza, odnosno raskida svaka ugovorna strana dužna je ispuniti sve svoje dospjele obaveze po predmetnom Ugovoru nastale do dana otkazivanja.

Član 14.

Ovaj Ugovor je sačinjen u 4 (četiri) primjerka, od kojih Naručiocu pripadaju 2 (dva) primjerka, a Izvršioca usluga 2 (dva) primjerka.

**CONTROLMATIK BH D.O.O.
SARAJEVO**

DIREKTORICA




(dr. Anesa Talić)

Broj: AT-1406-1 /19
Sarajevo, 4.06.2019 .godine

**JU ZAVOD ZA JAVNO ZDRAVSTVO
KANTONA SARAJEVO
DIREKTORICA**



(prof.dr.med.sci. Aida Pilav)


Broj: 05.12.100-2875-Ugovor LOT 7/19
Sarajevo, 04.06.2019. godine.